

127 609

QVÆSTIO MEDICA

CARDINALITIIS DISPUTATIONIBVS

MANE DISCVTIENDA

IN SCHOLIS MEDICORVM,

Die Iovis 16. Februarij,

M. PETRO YVELIN, Regi ab Interioribus Consiliis,
Doctore & Primario Serenissimæ Aurelianensium Ducissæ
Medico, Moderatore..

An Fructuum Esus insalubris?

I.

VIVENDI ut nascendi, homini quàm bruto deterior conditio, utrisque utraque stirpibus melior, quæ mollibus, obstetricante cælo, favoniis de gentili surgunt glebâ, parilesque succos, quos non inquinat ullius auræ syderisve maleficium, non corrumpit aut perdit alieni vis & onus excrementi, de terræ sinu, errore nullo, sibi quæque continenter surgunt, faciliq; nec ideo minùs pretioso roris gratuiti missu, parasitæ fœliciùs vegetant: unde illis vita longior suaviorque perennat, etiam inter assidua dispendia restibilis fœcunditatis, laborat rariùs, vix tandem ponitur, quamquam ex communi caducorum sorte plenius exposita causarum exterarum odiis immortalibus, quibus dùm penitiùs flagrat acriùsque urgetur reliquum genus viventium, in lucem velut in aciem & in procinctu, robusti corporis lorica bene munitum illicò prodire Natura voluit, ne-ve ab iis quæ huic sunt prima, primis à carceribus aberrare posset, pro mente & ratione ἀφ' ὧν ἐρῶν, quo regeretur, infeasit, ac suoapte impetu absque alio doctore dedit sequi. Vni visa eadem homini noverca, qui nudo timosoque corpusculo circumdique statim facturus vitium, ceu exarmato navigio naufragus, occiso veriùs quàm nato similis, utero abdicatus, minor mentis exulat, à querelis orsus vitam, cui una & aqua semper lex & norma cùm sit cæteris, illi uni fit disciplina, privatis comparanda periculis, redimenda damnis: quippe si bene calculum ponas, prima potiorque cura vel injuria valetudinis in ventre est aut sub ventre.

ALIMENTI namque nulla licet nulli viventium *πὸς τὸ εἶναι* necessitas, nulla tamen sine alimento vita, nulla sine exquisitâ hujus ratione valetudo servanda aut mutanda. Illud verò viventi cuique suum non modò, sed partibus partiumque particulis totius similitudine substantiæ germanum, unde uti medicamentum, venenum, ita nec idem eidem alimentum: Id in Elemento nulli nullum viventi, mixtum omni, uni vegetans animali, *ἡρώα* & *διωρύμω* utile noxium, commodum incommodum, necessarium, his siquidem duobus stat aut perit triplex bonum valetudinis, integritas, constantia, & vigor in vitæ munia pertinax; ubi scilicet justa, libera, sincera & plena hujus commercia agit ac tuetur Natura victrix, caduca corporis non solum suffulcit, sateit ruinas, sed & animæ lares ampliat, supremum ac singulare votum bonumque sanitatis addit *ὠφέλῃ*, illamque ceu vitæ melioris palladium (quod prima nescit ætas, ultima perdidit, colit media) intestino subducens incendiario & decoctori, fatalis vadimonij diffindit diem. Secus protinus cuncta in pejus ruere & retrò sublapsa referri necessum est, si mole aut qualitate superet aut reduidet, etiam amicâ, nedum inimicâ, utrâque oneri & labori non operi futurâ animæ vegetatricis aut principis. Quamobrem dotes una illa melius implet omnes & exhibet alimonia, quæ utrâque sui parte alendæ substantiæ cognatior, puriorque excrementis, consequenti, secernenti, deportanti, viventi Naturæ omnino facilem se præbet: ex quo vernaculâ peregrinitate, tum etiam cum juvat, haud plane innocens est illa quæ aliquid celat & importat *παρὰ τὸ εἶναι*.

I I I.

NATVRÆ justissimæ artem, observa, a quo illa divortio viventiæ & alimenta viventium ita disparavit, ut sibi invicem mirâ adoptione & connubio conjuncta variè respondeant, genere quidem omnibus eadem, quia & sine, specie verò unis stirpibus sic definita, ut almæ parenti nexæ, alio-ve sub axe, nec totæ licet usquam transirent, inveniant simile, animantibus verò ut de virgultis, herbis, frugibusque faciant: carnivora namque vel omnivora omnino pauca, sive quia vexat & flagellat horum ingluviem proprii pabuli penuria, vel addicta vitæ prædatrix fera indoles, sive hiantem semper famem vis avidi caloris sollicitet in *ἐκδιωκτικῇ*. At enim rerum universi dominus homo, quasi de Naturæ prytanæo publicè alendus. Vnus omnium annonam, ne quid non ventri natum videatur possidere, ligurit, ægrefcente fastidio, gulâ peregrinante pabulatur cum brutis, metit asparagus, de sterquilinio primulùm emergentibus boletis inhiat, quò ventris lascivientis uber alat per exenteratæ matris viscera tuber queritur, plantarum pascitur sæturâ, succis mitioribus necessario alimento scitus immiscere delicias: arborum carpit fructus, seu illi nudo semine, seu membranis, utriculis, lobis, siliquis vestiti & inclusi, seu osseo, testaceo, ligneo, coriaceo, carnosio, uvido, meduloso conditi pericarpio: quin etiam eruditæ gustu cibi saliva censu contrahitur senatorio. Itur in exequias gustæ emortuæ, ceu ad pollincturam lingua speciosissimo tingitur Embammate,

strue aromatum medijs rogis faucibus accenditur, cremantur exta, litatur fructibus; insolatis, siccatis in brumam tarfensi invento, elixis, assis, melle saccharo conditis, quo hisce temporibus non unius elegantiam quam novam industriam selecta castanea, mox contumulanda, glaciata incurstantur sandapila, in surdi gratiam palati verius, quam in presentissimum, ut fabulaneur, diarrhoeae aut dysenteriae auxilium, frustra semper atque irritico-natu in hisce affectibus, ut & in alijs tentatum, nisi cum ad miraculum sapit fortunae temeritas: Et certe per haec omnia artis dulciariae ingenia abforbentur brevi voragine vivifici Naturae thesauri, ut gratius noceant, faciantque Mortae de Pomonae deliciis.

I V.

NEQVE enim curandae valetudini momenti quicquam jure colles in fructibus, seu instaurandae solidae, humidae, spirituosae studeas substantiae, seu faciendae causticis Medicinæ vaces: illa seminalis succi crassamentum, ista τὸ ἰσχυρὸν ἀρχαῖον pinguis & aërei portio, haec contumeralis & confors insiti caloris quanto ad viventis ortum tanto ad geniti alimoniam potior, is namque spiritus, Naturae vires, & magna potentia solus, Naturae anima, animae vita, quae intus agit, alit & sospitat cuncta. Miraris de brevi punctulo minutuli seminis tanta tamque subita stirpium incrementa, de fundo sterili robusto caudice altum surgentes, patulas ramis arbores, soli jejunia caelo pascunt illae, & altore aetheris spiritu, quo carent neque in anima sustinent, extento vivunt aëro: Hac verò bonitate & gratia, tum ὅταν cum ὀνείδων excidunt fructus omnes: αἰετοί liquidem & generosi, ob tenerum humidumque pericarpium, fugientis succi, ipsis in manibus, etiam de fano Cereris Mycalestiae mox deprompti, consenescent: aegre maturitatis gratiam temporariam, alimentique pauperuli exile & precarium bonum, à sole, putri situ, & fermentatione expectant, quod etiam si consequantur, nihilo secius tamen caloris nostri coacescunt deliquiis, vetriculo, & hypochondriis intestinâ seditione obmurmurantibus, æstu, rictu, flatu plurimo graves, donec crudi succi superantis alluvione vi viam invenerint, subductâ simul alibili portiunculâ, partibus famelicis immeritâ Tantalî poenâ multatis. Nec minus negotij aut damni inferunt solidiore pericarpio ἀνὰ δρυὸς & ὀπώρας, laboriosâ coctione, utilis ejusque durioris annonæ transfectione operosa & segni, plurimâ inutilis saburre decessione. Hinc & inde mala struuntur praesentanea, plerisque majora in succo, aliis in pericarpio, ut crudis, immaturis, vetustescentibus, quam insolatis, maturis, homotinis: crescit αἰετοῖς cocturâ maleficium, conditurâ omnibus, parciore horum illorumque usu, ad gratiam ceterum indulgendo aut ad medicinam, vitium minuitur, non tollitur, etiamnum valenti, durisque mesorum ilibus, nedum ægro.

V.

QUAE primos hominum καρποὶ ἀγροῦ læsit primum τοῦτον καὶ ἐνταῦθα δισαῖτα, prudentior tandem facta est magistra vitæ salubrioris, dum glandes nutrites, inopis ac fææ sortis, aristis mutavit, carnes sufficit

fructibus : suis quippe doctior cautiorque malis didicit quantum ab agresti illo & rusticano victu in corpus unâ animumque redundet noxæ ; utrumque uti beat & fovet sanguis integer , splendor ficcus puritasque τῶν ἐπορμώντων , horum illiusque plenus ac liber commeatus , sic malè afficiunt , pejùs excipiunt quæ sita de fructibus alimenta , primis ultimis -ve mensis usurpata , vel intermissis castigata pulmentis : hinc ventris stupor , & ab eo vasorum nec non νόσους manat reses in certam perniciem impuritas , omniūque tristi specie seditiosa confusio. Rudes fallis & sui nescios , dum tuæ artis ipsè rudis falleris , si putas liberali esu fructuum plus æquo avidum ignem viscerum restingui , temperari ad salubris vitæ modum , æstum comprimi ichoris acerrimi per venarum αἰνέσεων , in viscera , membranas , articulos , corporis habitum exundantis. Ecce simili victu Æni incolæ γυναικὲς καὶ σκεπτοὶ ἀκχετίες facti : vires optas ? Nervos Typhoni fregit καρποφαγία : salutis sollicitior morbum anxius reformidas ? Biantem pugilem , cucumeris , peponum , lactis usus cholericum extulit ; ut in his non frænum sed æstrum bilis latere intelligas , ubi scilicet inusta ἀσβεστιάς labe , indigesti succi vis plurima ζυμώσεως flammam conceperit , intempestivo tunc nimiumque temeratio domestici elementi , nedum glaciæ porionis usu , altius in viscera meatusque compressam , inde τύφους tertianâ aut quartanâ febre comite , oculis dolentibus , vultu ἀρυσώδην , cachexiæ , hydropis , marasmi prænuntio , æstate venit pedibus pulmonicis , ni maturæ diarrhoea aut vomitus anteverteret : sæpe non aliunde viris aut viri potentibus veneris θυσυτόκην , vel funerata , audita nœnia , debilitato scilicet aut extincto , velut humo palustri , vigore genituræ ; ut suo merito dicantur fructus νεκύων βρώσις , voluptuariūque Veneris juxta ac Minervæ venenum , à cujus sacris longe semper erit sine fumo Pomonæ parasitaster , arcadicâ stoliditate inter fructus temulentâ , insulso & bliteo ingenio , cui plus sapiat citrulli quàm cerebri medulla , novâ , & in singulare ἀνιδασίαν καὶ ἰδιότρομόναι monimentum , æternum duraturâ : ἀποκοκοιτέωσιν consecranda.

Ergo Fructuum Esus insalubris.

Proponebat Lutetiæ G VILLELMVS PETIT,
Constantiensis , A. R. S. H. M. DC. LXVIII.

PARISIIS,
Ex Typographia FRANCISCI MUGUET, Regis ac Illust.
Archiepiscopi Parisiensis Typographi.